

۱۲۵۵



دفعه  
۱۸۳  
فی  
جا  
۲۳

## امور داخلیه

بوندن مقدم چیقار یلان ودها اولکی هفته طبع ونشر اولنان نسخ تقویم وقایعه بیان و اشارت اولندیغی و جهله پادشاه نوجاه و شهنشاه اسلامیه افندمز حضرتلرینک اقدم افکار مرتبت اثار ملوکانه لری همیشه زمان سعد اقتران شاهانه لرنده هر کسک استحصال اسایش واستراحتی قضیه مطلوبه سنه معطوف و مصروف اولق واشبوامنیه خیریه نك بقضیه وتوفیقه تعالی جلوه نمای حسن حصول اولسی نیات حسنه شاهانه لری ثمره معدلت بهره سی اقتضاسندن بولنقی جهتله ذکر لری اتی خصوص حقنده دخی ذات سائی صدارتیناهی به خطایا بودفعه قریحه صیحه حضرت شاهانه دن سنوح و صدور یوریلان خط همایون مر اجمعون جناب شاهانه تشکرا و تمینا زیننده دیباجه نسخ تقویم وقایع اولشد

### \*\*\* صورت خط شریف \*\*\*

بنم وزیرم جله به معلوم اولدیغی اوزره برمدتنبرو بعض وزرا و متسلین و و بودکان محول عهده التزاملری بولنان مقاطعات وسائر كافة التزاماته تحملی وارد دیرلر ضمیمه ارائه سیله اومقوله لک انها وافاده لرینه اعتبار اولنه رق الحاله هذه اکثر التزامات درجه تحملنی تجاوز ایتش اولدیغی بالتحقیق معلوم شاهانه م اولوب حالبوکه عماری بلاد وانجا ذات همایونمه و دیعه جناب کبریا اولان بالجمله رعایا و برایا نك رفاهیت احوال لری جلب قلوب و دعا لری ایله حاصل اوله جغی هویدا اولمقدن ناشی بالفرض بعض التزاماتک تحملی اولسه ییله شمذیلک خزائن شاهانه مده مقید بدلات و ثمرات معینه لریله الزام و اداره ایتدریلوب فقرای رعیتک مظالم و تعدیاتدن بالوجوه و قایه لریله جله نك خیر دعا لری التمسی مراد ملوکانه م اولغاله اومقوله ملتر میندن خلاف عاده و مغایر اراده حرکتیه هر کیم جسارت ایدر ایسه لدی التحقیق رتبه و حیثیتیه باقلیه رق جزا قانوننامه همایونمز موجب حقه ایدر ایجاب ایده جک معامله مجازات اجرا اولنقی اوزره سن و کالت مطلقه ک حسبیله کیفیتی اقتضاییدن مأمورینه ییلدیره رک هیچ بر مقاطعه و التزامات سائر به بر اوجه ضم اولنیه رق سابقاری و جهله الزام واحاله ایدرک جله دن طرف همایونمه خیر دعا الدر مقلغه دقت ایللرینی تفهیمه مبادرت و طر فکدن دخی دائما بوماده به نظارت برله الی ماشاء اه تعالی دستور العمل طوبیلوب هر طرفه معمریت بلاد و رفاهیت عجزه عباد مواد مطلوبه سنک استحصال واستکماله بذل سعی و رویت ایلیه سن

جمله به بیانندن مستغنی اولدیغی و جهله ممالک محروسه المسالك شاهانه دامت محفوظه بالمحفوظه الصمدانیده کائن اکثر محال مناسبه دن میری و رایج اوله رق ایکی صورتله مرتب اولان مبیاعه ذخایر ماده سی هر بار در سعادته کلینلو ذخیره بولنه رق دارالخلافه علیه سکنه سنک نان عزیز خصوصنده ضرورت و مضایقه چکاملری غرضیه مقدما وضع و تأسیس اولنمش و بونکله برابر مبیاعه اولنان اومثللو ذخایرک فیئات مقطوعه سی اصحاب ذخیره بلا جفا تاما و کاملا تأدییه و ایفا اولنقی اوزره مخصوص خزینه ترتیب و تخصیص و حسن اداره سنه رجال دولت علیه دن ناظر دخی نصب و تعیین قلمش ایسه ده مرور ازمنه و اعوام و عدم تقید و اهتمام ایله کیدرک شیرازه حسن نظامندن چیقوب وسائر بعض کونه فساد دخی قاریشوب فقرای رعیت بوماده دن طولای انواع غدر و اضطرابه دوچار اولمش اولدیغی برمدتنبرو واستخبار و تحقیق ایله اکلش و بونکیفیت ممالک دولت علیه نك کثرت زراعت و حرا شدن بخالی قلمسنه سبب مستقل اوله جغی یقینا ییلنمش اولوب حالبوکه مبیاعات ذخایر اصولنه تشبث اولنمز دن مقدم در سعادته لزومی اولان ذخیره تجار معرفت لریله جلب و اداره اولنه رق بحمد و و کرمه تعالی اولوقنلرده ذخیره خصوصنده برکونه مضایقه و ضرورت چکاملش و حتی بوندن اقدم ظهور ایدن بعض غوائل اثناسنده هر کس النده بولنان ذخیره سنی در سعادته کتوروب دیلیدی محله رایجیله فروخت ایلسنه ارائه رخصت و اعطای سر بستیت اولنسیله ندرجه لرده فائده و منفعت و ذخایر وارزاقده نمرته کثرت و برکت مشاهده اولنمش اولدیغی حالات معلومه دن بولندیغنه ولا سیمایا اعمار ممالک و بلاد و اسایش اهالی و عباد قضیه لری هر برشیدن زیاده شایان دقت مواد معتادان اولدیغنه نظرا فقرا حقنده مضرتی ظاهر اولان بوبله بر ماده علی الدوام مرعی الاجرا طوبلقدن ایسه اهالی و فقرا و عجزه رعایا و برایا نك سایه مر احوایه سلطنت سنیه ده بویوزدن دخی استکمال وسائل حضور و استراحت لریله امر زراعت و حرا شده از سر نو شوق و خواهش لری و کثرت فیض و برکتی موجب و ممالک محروسه شاهانه ک معمریتنی و دولت و ملتک بقای سعادت حالنی مستوجب اولق ایچون رفع و الغاسیله بعد ازین هر کس حصوله کتوردیکی ذخیره لری نك عشر شرعیسنی ادا ایله بلا انحصار در سعادته وسائر استدکری محالره کتوروب فیئات جاریه سیله بیع و فروخت ایللرینه ارائه رخصت اولنقی اوزره ذخیره خزینه سی و نظارتی نظامنک قسح و ترکی و فقط عساکر منتظمه شاهانه تعییناتی و معینات سائر ایچون بر سنه ده لزومی اولان ذخایرک مصارف معینه سی اصول سابقه اوزره مبیاعه اولنان ذخایرک فضاه فیئاتندن حصوله کلان منافعی ایله اداره و رویت اولنه کلدیکندن مصارف مذکور بتون بتون خزائن شاهانه به تحمیل اولنیه رق فی الجمه مدار و قارشولق اولق اوزره بل عفو و مبیاعات نامیه مبیاعه مرتب اولان محالردن سنه بسنه بر مقدار اوجه ترتیب و تخصیص و در سعادت و بلاد نلته ده کائن انکلی و فرانجیله جی اصنافنک وسائر استکلی اولنلر بلا انحصار نان عزیز و فرانجیله طبخ و اعما لیه مذون قلمنی و فقط بوکاره سالک اولنلرک دخی متصرف





اولدقلری فروئلرندہ دردر ایلق ذخیرہ لری دائماً موجود بولمق شرطی  
وسائر شرایط مقتضیہ کا فیہ ایلہ نظام سابقلرینک تبدیل و تجدیدی  
خصوصلری والد ماجد کثیرالمحامد حضرت شهنشاهی جنتمکان فردوس  
اشیان خداوند کار جیل الاثار حضرتلرینک عصر ہمایونلرندہ تنسب وارادہ  
پیوریلہ رق اقتضای در دست اجرا اولدیغی ورقہ مخصوصہ لر طبع ونشریلہ  
هرکسہ بیان واعلان اولمشیدی جناب حق جلہ عبادو بلاد حقندہ محض خیر  
ومینت ایلسون بالشوکہ والاجلال جلوس ہمایون مسعدت مقرون شاهانہ نک  
شرفوقوعندن ناشی کیفیت مذاکرہ وارادہ سابقہ تکرار خاکای خلافتیای  
عالیدن لدی الاستیذان خصوصات مرقومہ ملکا و ملہ امور نافعہ  
وخیرہ دن وواقعا معینات میریہ وعسکریہ مصارفنک خزائن شاهانہ دن ایفاسی  
خیلی الحقیہ موقوف اولمشیلہ چارہ سنک دوشنلسی دخی اگرچہ لازمہ دن ایسہدہ  
اشوبدل عفونامیلہ ترتیب وتحصیل اولنہ حق الحقیہ دخی اہالی ممالکہ ینہ  
برنوع بارومشت اولہ رق مطلوب اصلی اولان اسایش عباد و اعمار بلاد  
قضیہ خیریہ سی لایقیلہ حاصل اولہ میہ جغہ وذات شوکتسمات حضرت  
ملوکانہ یہ موبہ صمدانہ وعطیہ بہیہ ربانہ اولان خاصہ جلیلہ ملکداری  
ورعیتروری وسجیہ فحیمہ تاجداری ومرحتکستری اقتضای عالیستجہ  
ید مؤید جناب جہان داری یہ ودیعہ حضرت باری اولان کافہ عباد  
وسکان بلادک ظل ظلیل احسان دلیل ملوکانہ دہ بالوجوہ آسودہ حال  
ومرفہ البال اولملری اخص مآرب شاهانہ و اقدم مطالب پادشاهانہ دن  
بولندیغہ بناء بوبدل الحقیہ سی ترتیبی دخی نزد مرحتوفد جناب شهنشایدہ  
رواکورلیہ رک بوندن بویہ معینات مرقومہ مصارفی خزینہ عامرہ دن  
رؤیت وادارہ اولمق اوزرہ ترتیبی متصور ومقرر اولان بدل عفومبايعات  
الحقیہ سی دخی طرف اشرف حضرت ملوکانہ دن اہالی یہ بخش وعفوواحسن  
وکلیا رفع مبايعات خصوصنہ شایان وارزان پیوریلان مساعده احسانعاده  
شاهانہ نک لازم کلان محللرہ اعلانی امر وفرمان مکارم عنوان جناب شہریاری  
پیورلش وصورت ارادہ شفقت عادہ حضرت تاجداری اوامر علیہ  
تصدیریلہ هرکسہ اعلان وتبشیر اولمش وفریضہ ذمت عبودیت اولان  
تمادی عمر واقبال وشوکت شاهانہ دعوات خیریہ سی رفع بارکاہ جناب  
واہب الامال قلمش اولمقلہ جلہ نک معلومی اولمق ایچون اشوبمحلہ دخی طبع  
وتشیل قلمدی

جلہ یہ معلوم اولدیغی اوزرہ جلوس سعادتاً نوس ہمایون شرفوقوعندہ  
بالجلہ احکام شریفہ وبروات منیفہ نک تجدید وتنظیمی قاعدہ قدیمہ حسنہ ودیدنہ  
مستدیمہ مستحسنہ دولت علیہ دن اولہ رق بکن ربیع الاخرک اون طقوزنجی  
بازار ایتسی کونی بالین والاقبال تحت عالیخت عثمانی وسریرشوکتصیر  
جہانبا نی یہ جلوس ہمایون مینت مقرون جناب شہریاری تین ارای وقوع  
اولمق جہتیلہ قاعدہ حسنہ مذکورہ ایجابجہ علی العموم احکام شریفہ وبروات  
علیہ نک بروجہ بالا تجدیدی لازم کلمش واقلام باب مالیہ دہ تنظیم اولمقلہ اولان  
وظائف ومعاش وسائر بومثللو بروات شریفہ واحکام منیفہ اصحابنک  
عجز حاللری جہتیلہ بومقوله لردن مرچہ خرج بروات الخیوب فقط مقاطعات  
واسہام بروات منیفہ سنک محلولدن ویاخود قصرید دن تو جہلرندہ  
نظامی وجہلہ المنقذہ اولان خر جملر مثللو حین تجدید لرنده دخی اخذی  
قرار کیر حسن نظام وانتظام اولان خر جملر ذکر اولنسان باب مالیہ معاشلرینہ  
تخصیصا منصورہ خزینہ جلیلہ سنہ تسلیمی مقتضای نظامی اولدیغندن  
وقبود مضبوطہ مآلندن مستفاد اولدیغی اوزرہ برتام سہمک مجلہ سی اولان  
یکری ایکی بیک بشوز غروشدن مجددا حین توجہنندہ انسان خر جملر ثلثی

وقضریدہ اخذاولنسانک نصفی مقداری اولمق اوزرہ تجدیدی حیثندہ دخی  
ایجاب ایدن بشوزیدی بقیع غروش خرج براتی نظامی موجبجہ تسلیم خزینہ  
قلمق لازم کلہ جکسنہ نظرا بحساب اوزرہ بودفعہ تجدید اولنہ حق مقاطعات  
واسہام بروات منیفہ سندن النسی لازم کلان خر ج برواتک تسلیم خزینہ  
ایتدیلمسی نظام مذکور ایجابندن اولوپ الحق طرف مستجمع المجد والشرف  
حضرت شاهانہ یہ جلہ دن دعوات اجابتغیات استیجاب قلمق وبومناسبتلہ  
بروات علیہ نک دخی کاملاً تجدیدی حاصل اولمق اوزرہ بروجہ بحرر اخذی  
مقرر اولان خر جملر نصفی رجاللعباد اصحابنہ ترک واحسانیلہ نصف دیگرینک  
تسلیم خزینہ قلمسی تنسب عالی پیورلش وکیفیت مقاطعات محاسبہ سنہ  
بعدالقید جلہ نک معلومی اولہ رق اولوجہلہ هرکس یدلرنده بولسان  
احکام شریفہ وبروات علیہ نک تجدیدی اسبابنک استحصانہ مبادرت ایلک  
اوزرہ لازم کلان محللرہ علم وخبرلری اعطا اولمش وجہلہ نک معلومی اولمق ایچون  
تقویم وقایع نسخہ لرینہ دخی درج وعلاوہ قلمشدر

شرف افزای سنوح وصدور پیوریلان امر وارادہ احسان افادہ حضرت  
کیتی ستانی موجبجہ بلاد دوریہ دن بوسنہ قضای اشوبسنہ عجمہ المینہ  
ذی القعدہ الشریفہ سی غرہ سندن ضبط ایتک وبعدالانفصال موصل بلاد  
اربعة اولمق اوزرہ دوللودارالسعادة الشریفہ اغاسی حضرتلرینک امامی اقدم  
داعیان دولت علیہ دن السید الحاج حافظ محمد امین افندی یہ باعتبار نخرج  
اسکدار پایہ سیلہ عواطف علیہ شاهانہ وعوارف بہیہ پادشاهانہ دن توجیہ  
واشوبجادی الاولانک ایکنجی کونیلہ مورخ امر شریفی اعطاسیلہ موی الیہک  
قدر واعتباری تنویہ پیورلشدر